

Broj:542/23
Gostović, 29.08.2023. godine

Na osnovu člana 69. stav (1) tačka b), člana 70.stav (4) i (6) Zakona o javnim nabavkama („Službeni glasnik BiH“ broj: 39/14 i 59/22) u otvorenom postupku javne nabavke usluge prevoza učenika za školsku 2023/2024. godinu za potrebe JU Osnovna škola „Gostović“ Zavidovići , direktor JU Osnovne škole „Gostović“, donosi

O D L U K U **o poništenju postupka javne nabavke**

Član 1.

Poništava se postupak javne nabavke usluge prevoza učenika za školsku 2023/2024. godinu za potrebe JU Osnovna škola „Gostović“ Zavidovići, za koje je objavljeno obavještenje o nabavci broj: 989-1-2-8-3-1/23 od 09.06.2023. godine iz razloga što su kvalifikovani ponuđači odustali od svoje ponude i odbili da potpišu ugovor.

Član 2.

Ova odluka objaviće se na Web-stranici škole: osgostovic.edu.ba , istovremeno s upućivanjem ponuđačima koji su učestvovali u postupku javne nabavke, shodno članu 70. stav(6) Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav(2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju otvorenog postupka javne nabavke za nabavku usluge prevoza učenika za školsku 2023/2024. godinu za potrebe JU Osnovna škola „Gostović“ Zavidovići, broj: 320/23 od 09.06.2023. godine.

Komisija za javnu nabavku imenovana je Odlukom broj:195/23 od 05.04.2023. godine. Procijenjena vrijednost javne nabavke je 40.500,00 KM bez PDV-a.

Javna nabavka je provedena putem otvorenog postupka javne nabavke za nabavku usluge prevoza učenika za školsku 2023/2024. godinu za potrebe JU Osnovna škola „Gostović“ Zavidovići, broj nabavke : 320/23 i obavještenje o nabavci broj: 989-1-2-8-3-1/23 objavljeno 09.06.2023. godine na portalu Javnih nabavki i u „Službenom glasniku BiH“ broj 43/2023 od 16.06.2023. godine.

Analizom i ocjenom pristiglih ponuda Komisija je pristupila ocjeni ponuđača prema uslovima iz Tenderske dokumentacije.

Komisija za javnu nabavku dostavila je dana 10.07.2023. godine Zapisnik o pregledu i ocjeni ponuda broj: 435/23 od 10.07.2023. godine

U postupku po Zapisniku o pregledu i ocjeni ponuda , broj: 435/23 od 10.07.2023. godine, utvrđeno je da je komisija za javnu nabavku izvršila otvaranje i ocjenu pristiglih ponuda, o čemu je sačinila zapisnik , u kome je utvrđeno slijedeće:

- da je ukupan broj pristiglih ponuda 3.
- da su blagovremeno zaprimljene 3 ponude.
- da nema neblagovremeno zaprimljenih ponuda.
- da su ponude ponuđača: Prometnik d.o.o. Žepče, Auto škola „Gare“ d.o.o. Zavidovići i „Sjaj“ d.o.o Maglaj, prihvatljive.

Pregled prihvatljivih ponuda prije provođenja e-aukcije.

R. br.	Naziv ponuđača	Ponuđena cijena na (javnom) otvaranju u KM (bez PDV-a)	Ponuđeni popust	Cijena ponude sa uračunatim popustom u KM bez PDV-a	Ukupna ponuđena cijena na (javnom) otvaranju sa popustom u KM (sa PDV-om)
1.	„Sjaj“ d.o.o. Maglaj	38.314,50	0	38.314,50	44.827,97
2.	Auto škola „Gare“ d.o.o. Stavci , Zavidovići	40.450,50	0	40.450,50	47.327,09
3.	PD „Prometnik“ d.o.o Žepče	40.500,00	0	40.500,00	47.385,00

E-aukcija zakazana je za 06.07.2023. godine sa početkom u 14 sati.

Početna lista ponuđača koji su pozvani da učestvuju u e-aukciji

R.br	Naziv ponuđača	IDB/JIB	Početna cijena u KM bez PDV-a	Rang
1.	„Sjaj“ d.o.o	4218122000001	38.314,50	1
2.	A.Š. „Gare“ d.o.o.	4218606970005	40.455,00	2
3.	Prometnik d.o.o.	4218186070003	40.500,00	3

U skladu sa izvještajem o toku i završetku e-aukcije (prilog), koja je završena 06.07.2023. godine u 14 sati i 29 minuta , konačna rang lista ponuđača koji su učestvovali u e-aukciji je sljedeća:

R.br	Naziv ponuđača	IDB/JIB	Konačna cijena u KM bez PDV-a	Rang
1.	Prometnik d.o.o.	4218186070003	23.148,55	1
2.	A.Š. „Gare“ d.o.o.	4218606970005	26.980,00	2
3.	„Sjaj“ d.o.o	4218122000001	27.020,24	3

Nakon provođenja e-aukcije Komisija konstatuje da je ponuđač „Prometnik“ d.o.o, Žepče, ispunio sve kvalifikacijske uslove i dostavio traženu dokumentaciju te da je isti najbolje rangiran prema kriteriju za ocjenu ponuda nakon provedene e-aukcije, te Komisija predlaže direktoru JU Osnovne škole „Gostović“ da donese odluku o izboru najpovoljnijeg ponuđača „Prometnik“ d.o.o, Žepče, čija ponuda iznosi 23.148,55 KM bez PDV-a, koja je ocijenjena najpovoljnijom za predmetnu nabavku.

Uvidom u priloženu dokumentaciju , nesporno je da je izabrani ponuđač „Prometnik“ d.o.o Žepče, najbolje ocijenjen zbog najniže cijene od 23.148,55 KM bez PDV-a. Izabrani ponuđač Prometnik“ d.o.o Žepče, je izabran primjenjujući kriterij najniže cijene , koja je ponuđena u iznosu od 23.148,55 KM bez PDV-a.

Odluka o izboru najpovoljnijeg ponuđača i dodjeli ugovora ponuđaču Prometnik“ d.o.o Žepče broj: 436/23 od 10.07.2023. godine zajedno sa Zapisnikom o pregledu i ocjeni

ponuda, dostavljena je svim ponuđačima koji su učestvovali u ovom postupku javne nabavke. Dana, 31.07.2023. godine Prometnik“ d.o.o Žepče, u pisanoj formi, obavijestio je ugovorni organ da odustaje od potpisivanja ugovora a zbog nepredviđenih okolnosti tehničke i profesionalne prirode koji su zadesili preduzeće.

Obzirom da je izabrani ponuđač odbio dodjelu ugovora, ugovorni organ je u skladu sa članom 72.stav (3) tačka c) Zakona o javnim nabavkama („Službeni glasnik BiH“ broj: 39/14 i 59/22“), ugovor za javnu nabavku usluge prevoza učenika za školsku 2023/2024. godinu dodijelio drugorangiranom ponuđaču Auto škola „Gare“ d.o.o, Stavci, Zavidovići, sa konačnom cijenom ponuđenoj na e-aukciji u ukupnom iznosu 26.980,00 KM bez uračunatog PDV-a.

Odluka o izboru drugorangiranog ponuđača i dodjeli ugovora ponuđaču Auto škola „Gare“ d.o.o. Stavci, Zavidovići, broj: 465/23 od 01.08.2023. godine, dostavljena je svim ponuđačima koji su učestvovali u ovom postupku javne nabavke.

Dana, 03.08.2023. godine, Auto škola „Gare“ d.o.o. Stavci, Zavidovići, u pisanoj formi, obavijestio je ugovorni organ da odustaje od zaključenja ugovora iz razloga što je prvorangirani ponuđač spustio cijenu na e-aukciji, po kojoj se, cijeneći potrebe škole za prijevozom, ne može izvršiti ugovor sa ekonomskom opravdanošću jer su također cijene procijenjene vrijednosti ugovora, prilikom raspisivanja postupka javne nabavke ionako bile na granici opravdanosti.

Obzirom da je izabrani ponuđač odbio dodjelu ugovora, ugovorni organ je u skladu sa članom 72.stav (3) tačka c) Zakona o javnim nabavkama („Službeni glasnik BiH“ broj: 39/14 i 59/22“), ugovor za javnu nabavku usluge prevoza učenika za školsku 2023/2024. godinu dodijelio trećerangiranom ponuđaču „Sjaj“ Maglaj, d.o.o, ponuda broj: 20-06/107-23 od 20.06.2023. godine, sa konačnom cijenom ponuđenoj na e-aukciji u ukupnom iznosu 27.020,24 KM bez uračunatog PDV-a.

Odluka o izboru trećerangiranog ponuđača i dodjeli ugovora ponuđaču „Sjaj“ Maglaj, d.o.o , broj: 513/23 od 21.08.2023. godine, dostavljena je svim ponuđačima koji su učestvovali u ovom postupku javne nabavke.

Dana, 28.08.2023. godine, „Sjaj“ Maglaj, d.o.o, u pisanoj formi, obavijestio je ugovorni organ da odustaje od zaključenja ugovora ,bez navođenja razloga odustajanja.

U skladu sa navedenim činjenicama i s obzirom da su naprijed navedeni kvalifikovani ponuđači odustali od svojih ponuda i odbili da potpišu ugovor, kao i iz razloga što više nema kvalifikovanih ponuda, odnosno ponuđača, postupak predmetne nabavke se poništava.

Iz navedenih razloga, primjenom člana 69.stav (1) tačka b) i stava (3) Zakona o javnim nabavkama („Službeni glasnik BiH“ broj: 39/14 i 59/22“), odlučeno je kao u dispozitivu ove odluke.

Protiv ove odluke može se izjaviti žalba Uredu za razmatranje žalbi, putem ugovornog organa, u dovoljnom broju primjeraka koji ne može biti manji od tri, najkasnije u roku od 10 (deset) dana od dana prijema ove odluke.

Dostaviti:

1. Auto škola „Gare“ d.o.o, Stavci, Zavidovići
2. „Sjaj“ Maglaj d.o.o
3. „Prometnik“ d.o.o. Žepče
4. a/a



Direktor:

Dževdet Muhić
Dževdet Muhić